

**Bosna i Hercegovina  
BRČKO DISTRIKT  
BOSNE I HERCEGOVINE  
Komisija – Povjerenstvo za papire  
od vrijednosti**



**Босна и Херцеговина  
БРЧКО ДИСТРИКТ  
БОСНЕ И ХЕРЦЕГОВИНЕ  
Комисија за хартије од вриједности**

---

Bosne Srebrene 28, 76100 Brčko distrikt Bosne i Hercegovine; telefon: 049/232.540, 232.550, 231.880, telefaks: 049/231.891, e-mail: info@secdbih.org  
Босне Сребрене 28, 76100 Брчко дистрикт Босне и Херцеговине; телефон: 049/232.540, 232.550, 231.880, телефакс: 049/231.891, e-mail: info@secdbih.org

## **IZVJEŠTAJ O RADU**

**Komisije za papire od vrijednosti Brčko distrikta BiH  
za 2016. godinu**

**Brčko, februar 2017. godine**

## SADRŽAJ

1. Osnovni podaci o Komisiji .....	3
2. Primarno tržište papira od vrijednosti .....	6
2.1. Registar emitenata.....	6
2.2. Emisija vlasničkih papira od vrijednosti.....	8
2.2.1. Emisija papira od vrijednosti po obimu u periodu 2012.-2016. godine.....	8
2.2.2. Emisija papira od vrijednosti po vrstama na dan 31.12.2016. godine.....	9
3. Sekundarno tržište papira od vrijednosti.....	10
3.1. Centralni registar papira od vrijednosti.....	10
3.2. Registracija kapitala, papira od vrijednosti i vlasnika.....	11
3.2.1. Registracija kapitala i papira od vrijednosti u periodu 2012.-2016. godine.....	13
3.2.2. Registracija emitenata i vlasnika kapitala u periodu 2012.-2016. godine.....	14
3.3. Registracija dužničkih papira od vrijednosti .....	15
3.3.1. Obračun glavnice i kamate za obveznice.....	16
3.4. Promet i prijenos papira od vrijednosti.....	17
4. Nadzor.....	19
5. Finansijski izvještaj .....	19

## 1. Osnovni podaci o Komisiji

**Pravna regulativa.** Komisija svoje nadležnosti obavlja u skladu sa zakonima, kojima je regulisana oblast tržišta kapitala i osnivanje i rad dioničkih društava. Pravni okvir definisan je sljedećim zakonima:

- ~ Zakon o papirima od vrijednosti Brčko distrikta BiH („Sl. glasnik Brčko distrikta BiH“, broj: 15/03, 27/04, 42/04, 28/07 i 14/12),
- ~ Zakon o preduzećima Brčko distrikta BiH-prečišćen tekst („Sl. glasnik Brčko distrikta BiH“, broj: 49/11),
- ~ Zakon o preuzimanju dioničarskih društava („Sl. glasnik Brčko distrikta BiH“, broj: 31/05, 33/12 i 34/12), i
- ~ Zakon o investicionim fondovima („Sl. glasnik Brčko distrikta BiH“, broj: 30/07).

**Nadležnosti Komisije.** Komisija je regulatorna institucija s javnim ovlaštenjima. Za svoj rad je odgovorna Skupštini Brčko distrikta BiH. Na osnovu Zakonom propisanog djelokruga i nadležnosti Komisija je ovlaštena:

- ~ donositi propise o provođenju Zakona o papirima od vrijednosti, Zakona o preuzimanju dioničkih društava i Zakona o investicionim fondovima;
- ~ obavljati nadzor nad poslovanjem ovlaštenih učesnika na tržištu kapitala i emitenata papira od vrijednosti, društava za upravljanje investicionim fondovima, investicionih fondova, brokerskih društava, brokera, investicijskih savjetnika i institucionalnih ulagača;
- ~ donositi odluke o mjerama za otklanjanje utvrđenih nezakonitosti i nepravilnosti;
- ~ izdavati i oduzimati dozvole, odobrenja, saglasnosti, licence i autorizacije u okviru svog djelokruga i nadležnosti;
- ~ podsticati, organizovati i nadgledati mjere za efikasno funkcionisanje tržišta papira od vrijednosti; voditi knjige i registre u skladu s odredbama Zakona iz svog djelokruga i nadležnosti;
- ~ pokretati inicijativu za donošenje zakona i drugih propisa i informisati javnost o načelima po kojima djeluje tržište papira od vrijednosti;
- ~ donositi podzakonske akte radi propisivanja uslova, načina i procedura za jedinstveno obavljanje nadzora unutar svog djelokruga i nadležnosti;
- ~ davati mišljenje o provođenju navedenih zakona i posebnih zakona iz svog djelokruga i nadležnosti na zahtjev stranaka u postupku, ili lica koja dokažu svoj pravni interes;
- ~ izvještavati ostala nadzorna, upravna i pravosudna tijela o svim pitanjima koja se neposredno ili posredno tiču njihove nadležnosti i djelokruga, a koja su povezana sa postupcima koji se vode pred tim tijelima i u vezi su sa postupcima iz djelokruga i nadležnosti Komisije.

**Organizacija Komisije.** Shodno Zakonu o papirima od vrijednosti, Statutu i Organizacionom planu Komisije za papire od vrijednosti Brčko distrikta BiH, Komisija je kao institucija organizaciono sastavljena od Komisije kao kolektivnog organa, Stručne službe i Centralnog registra, odnosno u Komisiji su uposlena tri imenovana lica na mandatni period i tri državna službenika. Imenovanim licima je istekao mandat 24.06.2015. godine. U skladu sa svojim nadležnostima Gradonačelnik je pokrenuo proceduru za imenovanje novog saziva Komisije, koja u izvještajnom periodu nije okončana.

U Stručnoj službi Komisije obavljaju se poslovi vezani za emisiju papira od vrijednosti, izdavanje dozvola i saglasnosti učesnicima na tržištu papira od vrijednosti, postupak preuzimanja dioničkih društava, kancelarijski i arhivski poslovi, poslovi nadzora nad učesnicima, kao i poslovi saradnje sa drugim organizacijama i tijelima Brčko distrikta BiH i institucijama Bosne i Hercegovine. Navedeni poslovi i zadaci se realizuju kroz prijedloge odluka, rješenja i drugih dokumenata koje Komisija, kao kolektivni organ, usvaja na svojim sjednicama. U okviru Centralnog registra obavljaju se poslovi registracije i čuvanja podataka o registrovanim papirima od vrijednosti, njihovim vlasnicima i svim transakcijama u pogledu promjena stanja papira od vrijednosti.

***Sjednice i registri Komisije.*** Tokom izvještajnog perioda Komisija je održala 24 redovne sjednice na kojima je razmatrana 61 tačka dnevnog reda i 9 radno-konsultativnih sjednica, na kojima je analizirana specifična problematika korporativnog poslovanja, s ciljem usaglašavanja načina postupanja u rješavanju zahtjeva dioničkih društava.

Komisija je kao kolektivni organ, po zahtjevima dioničkih društava donosila rješenja o odobrenju nove emisije dionica, o upisu promjena na kapitalu, o odobrenju ponude za preuzimanje, o upisu promjena članova uprave i nadzornog odbora dioničkih društava u registru emitenata, o upisu i brisanju založnog prava na papirima od vrijednosti u Centralnom registru, o brisanju dioničkih društava iz registra emitenata i zaključke i stavove o otklanjanju nepravilnosti u postupcima provođenja korporativnih radnji.

U Centralnom registru Komisije za papire od vrijednosti, koji omogućava nesmetan promet i prijenos vlasništva na papirima od vrijednosti, sa 31.12.2016. godine registrovani su vlasnički papiri od vrijednosti 20 dioničkih društava. Vrijednost registrovanih vlasničkih papira od vrijednosti iznosi 115.706.409,15 KM i u vlasništvu su 4.557 dioničara. Vrijednost registrovanih dužničkih papira od vrijednosti u 2016. godini iznosi 482.580,00 KM i odnosi se na osmu emisiju obveznica po osnovu verifikovanih računa stare devizne štednje za 34 vlasnika. Ukupna vrijednost provedenih transakcija u sistemu Centralnog registra u 2016. godini iznosila je 1.487.541,00 KM.

***Normativne aktivnosti.*** U cilju provođenja aktivnosti harmonizacije propisa u oblasti papira od vrijednosti sa savremenim evropskim zakonodavstvom, utvrđenih Srednjoročnim programom prioriteta Brčko distrikta BiH u procesu evropskih integracija za period 2015.-2020. godina, Reformskom agendom za BiH za razdoblje 2015.-2018. godina i Akcionim planom za sprečavanje pranja novca i finansiranje terorizma (FATF- Financial Action Task Force, standardi i preporuke Radne grupe za finansijske mjere protiv pranja novca), Komisija je u 2016. godini izradila Prijedloge nacrta zakona o tržištu papira od vrijednosti, zakona o preuzimanju dioničkih društava i zakona o izmjenama i dopunama zakona o investicionim fondovima. Realizacijom navedenih normativnih aktivnosti su stvoreni uslovi za usaglašavanje zakonodavnog okvira sa propisima EU i propisima zemalja u okruženju i dalji razvoj i unapređenje tržišta papira od vrijednosti, ključnog segmenta tržišne ekonomije i veoma značajne pretpostavke jačanja konkurentnosti Brčko distrikta BiH i njegovog uključivanja u evropske integracione procese.

***Saradnja sa drugim nadležnim organima i institucijama.***

***Saradnja sa regionalnim regulatorima tržišta kapitala.*** U sklopu saradnje sa drugim regulatornim tijelima iz okruženja u Ljubljani je 12.10.2016. godine potpisana Deklaracija o nastavku saradnje između regulatora tržišta kapitala iz regiona. Deklaraciju su potpisali predstavnici Agencije za trg vrednostnih papirjev Republike Slovenije, Hrvatske agencije za nadzor finansijskih usluga,

Komisije za vrijednosne papire Federacije BiH, Komisije za hartije od vrijednosti Republike Srpske, Komisije za papire od vrijednosti Brčko distrikta BiH, Komisije za hartije od vrednosti Republike Srbije, Komisije za hartije od vrijednosti Republike Crne Gore i Komisije za hartii od vrednost na Republika Makedonija.

***Saradnja sa Vijećem ministara BiH.*** Akcionim planom BiH za otklanjanje nedostataka u borbi protiv pranja novca, koji ima za cilj harmonizaciju sistema sprečavanja pranja novca i finansiranja terorizma sa standardima i preporukama Radne grupe za finansijske mjere protiv pranja novca – FATF (Financial Action Task Force) osnovane od strane zemalja G7, BiH se opredijelila da radi na visokom nivou sa FATF-om na otklanjanju nedostataka u ovoj oblasti. Vijeće ministara BiH je usvojilo Akcioni plan 26. juna 2015. godine. U okviru FATF-a djeluju i određene međunarodne organizacije uključujući Međunarodni monetarni fond i Svjetsku banku, tako da FAFT teritorijalno djeluje na globalnom nivou. Standardi koje FATF primjenjuje u borbi protiv pranja novca i finansiranja terorizma se zasnivaju na 40 preporuka FATF. Pomenute preporuke su obavezan dio svake EU direktive ili nekog drugog akta Evropske Komisije ili drugog tijela EU-e. Metodologija rada, kao i aktivnosti koje preduzima MMF i Svjetska banka u pogledu sprečavanja pranja novca i finansiranja terorizma se zasnivaju na navedenim preporukama.

U skladu sa usvojenim Akcionim planom BiH, Vijeće ministara je izvršilo identifikaciju nosilaca aktivnosti i rokova u kojima pojedine stavke Akcionog plana FATF trebaju biti provedene i imenovalo Predsjednika Komisije za papire od vrijednosti Brčko distrikta BiH u Radnu grupu na nivou BiH za koordinaciju provođenja Akcionog plana. S tim u vezi Komisija za papire od vrijednosti Brčko Distrikta BiH određena je kao nosilac aktivnosti na usklađivanju propisa iz svoje nadležnosti sa preporukama FATF-a. Aktivnosti Komisije na realizaciji navedenih preporuka, rezultirale su izradom novog Zakona o tržištu papira od vrijednosti i Zakona o izmjenama i dopunama zakona o investicionim fondovima Brčko distrikta BiH, koji trebaju biti usvojeni od strane Skupštine Brčko distrikta BiH do maja 2017. godine, čime bi se stvorile pretpostavke za konačnu provedbu Akcionog plana, zajedno sa Vijećem ministara i entitetskim Komisijama. Na taj način bi se otklonile opasnosti otežanog obavljanja finansijskih transakcija u međunarodnom platnom prometu i stavljanja BiH na sivu listu Moneyval-a.

Vijeće ministara BiH je također imenovalo predstavnika Komisije, kao člana Podgrupe za procjenu ranjivosti sektora tržišta papira od vrijednosti od pranja novca i finansiranja terorizma, koju provodi Svjetska banka u saradnji sa Ministarstvom sigurnosti BiH. Predstavnik Komisije je učestvovao u pripremi aktivnosti za obavljanje zadataka navedene Podgrupe. Zadatak Podgrupe je procjena rizika od pranja novca i finansiranja terorizma, prikupljanje podataka, njihova obrada prema metodama Svjetske banke i identifikacija rizika i na osnovu toga donošenje i usvajanje podzakonskih akata, kojima se jasno precizira zadatak u okviru postojećih nadležnosti institucija i nadležnih organa u cilju identifikacije pranja novca i upotrebe novčanih sredstava za finansiranje terorizma.

Pored učešća predstavnika Komisije u navedenim radnim grupama, Komisija ima svog predstavnika u Pododboru za ekonomska i finansijska pitanja i statistiku, u okviru Odbora za stabilizaciju i pridruživanje. Nadležnost Pododbora je da u procesu pristupanja Evropskoj uniji, prati napredak u ispunjavanju uslova sporazuma o stabilizaciji i pridruživanju Bosne i Hercegovine Evropskoj uniji. Tokom izvještajnog perioda predstavnici Komisije su učestvovali u radu Radnih grupa za Evropske integracije u popunjavanju Upitnika EU, koji se odnosi na poglavlja Sloboda kretanja kapitala, Pravo privrednih društava i Finansijske usluge. Komisija je

dala odgovore na 86 pitanja iz Upitnika Evropske unije. Nakon urađenih prijevoda odgovora na engleski jezik i njihovog dostavljanja nadležnim institucijama Evropske unije, rad na davanju konačnih odgovora na eventualna dodatna pitanja će biti nastavljen i tokom prvog polugodišta 2017. godine,

**Saranja s ostalim institucijama u BiH.** U oblasti sprečavanja manipulacija i zloupotreba na tržištu papira od vrijednosti, Komisija je ostvarila kontinuiranu saradnju sa nadležnim institucijama u BiH. Na osnovu podnesenih zahtjeva Poreske uprave Brčko distrikta BiH, Uprave za indirektno oporezivanje i Državne agencije za istrage i zaštitu, koji se odnose na provjeru podataka o vlasništvu na papirima od vrijednosti, kao i zahtjeva vlasnika papira od vrijednosti za prijenos papira od vrijednosti i promjenu podataka. Centralni registar je uputio 393 obavještenja i poziva, informacije o provjeri podataka o vlasništvu papira od vrijednosti i 265 izvoda o stanju na vlasničkim računima, na adrese vlasnika poslije upisa, odnosno registracije i promjena stanja na vlasničkim računima.

**Informisanje.** Putem svoje internet stranice, Komisija objavljuje pravovremene i vjerodostojne informacije, u cilju informisanja investitora i šire javnosti, koje mogu poslužiti kao osnov za donošenje odluke o investiranju. Zaposleni u Komisiji neposredno pružaju emitentima i vlasnicima dionica i obveznica sve relevantne informacije i uputstva vezana za promjene na kapitalu dioničkih društava, ostvarenje prava po osnovu vlasništva na papirima od vrijednosti i druge informacije.

## 2. Primarno tržište papira od vrijednosti

Nadležnosti Komisije iz ove oblasti se odnose na rješavanje zahtjeva dioničkih društava u vezi sa upisom kapitala dioničkih društava i promjenama u registru emitenata po osnovu povećanja, smanjenja kapitala, pripajanja i spajanja dioničkih društava.

### 2.1. Registar emitenata

Nominalna vrijednost kapitala upisanog u Registru emitenata na dan 31.12.2016. godine iznosi 115.706.409,15 KM i odnosi se na 20 dioničkih društava. U izvještajnom periodu izvršeno je povećanje kapitala kod d.d. „Osiguranje Garant“ Brčko, emisijom dionica u vrijednosti od 103.300,00 KM. Korporativne radnje preuzimanja dioničkih društava provedene su u dioničkom društvu „Duka&Bosna“ u vrijednosti od 226.435,75 KM i dioničkom društvu „Bimal“ u vrijednosti od 587.034,83 KM. Na zahtjev dioničkih društava, u registru emitenata upisane su promjene članova Nadzornog odbora i Uprave, u skladu sa odredbama Zakona o preduzećima Brčko distrikta BiH, koje regulišu ovu oblast.

**Tabela 1: Pregled dioničkih društava u registru emitenata na dan 31.12.2016. godine**


Red br.	Datum upisa	Naziv emitenta	Početna nominalna vrijednost kapitala	Vrijednost kapitala 31.12.2016.
1.	01.06.2004.	«Bimal» d.d.	14.945.000,00	20.720.130,00
2.	25.12.2004.	«PSC-Babić» d.d.	673.400,00	3.181.830,00
3.	27.12.2004.	«Žitopromet» d.d.	6.359.090,00	4.151.090,55

4.	27.12.2004.	«Galax-Niskogradnja» d.d.	299.430,00	1.330.860,00
5.	26.01.2005.	«Hidra Stil» d.d.	2.329.780,00	2.955.980,00
6.	16.05.2005.	«Izgradnja» d.d.	384.630,00	3.790.180,00
7.	16.05.2005.	«Zanat Design» d.d.	195.830,00	2.893.370,00
8.	30.12.2005.	«Biljana» d.d.	560.460,00	560.460,00
9.	16.09.2005.	«Ibd» D.D.	1.748.000,00	1.748.000,00
10.	15.11.2005.	«Brčko-Gas Osiguranje» d.d.	2.002.000,00	5.700.000,00
11.	16.03.2006.	«Grafam» d.d.	1.916.350,00	3.586.720,00
12.	22.06.2006.	«Pirometal» d.d. u stečaju	2.263.450,00	2.263.450,00
13.	07.07.2006.	«Tesla» d.d.	7.721.420,00	13.663.940,00
14.	15.08.2006.	«Novi Bimeks» d.d. u stečaju	25.829.000,00	35.829.000,00
15.	15.08.2006.	«Laser» d.d.	3.095.910,00	3.958.227,00
16.	26.10.2006.	«Duka&Bosna» d.d.	6.030.860,00	3.025.281,60
27.	26.11.2007.	«Uzor» d.d.	882.080,00	1.443.080,00
28.	01.06.2010.	«MB Velma » d.d.	842.280,00	1.348.300,00
29.	09.05.2012.	«Tehnograđa » d.d.	1.056.510,00	1.056.510,00
20.	19.12.2013.	«Osiguranje Garant» d.d.	2.500.000,00	2.500.000,00
<b>UKUPNO</b>			<b>81.635.480</b>	<b>115.706.409,15</b>

Izvor: registar emitenata

Iz navedenog pregleda se vidi da, na dan 31.12.2016. godine vrijednost registrovanog kapitala iznosi 115.706.409,15 KM, što predstavlja povećanje od 34.070.929,15KM ili 41,74% u odnosu na početnu nominalnu vrijednost registrovanog kapitala. Najveća početna nominalna vrijednost kapitala je u dioničkom društvu „Novi Bimeks“ u iznosu od 25.829.000,00 KM ili 31,64%, a najmanja u „Zanat Design“ d.d. u iznosu od 195.830,00 KM ili 0,24%. Prosječna vrijednost početnog osnovnog kapitala je 4.081.774,00 KM. Nakon provedenih korporativnih radnji, odnosno emisija papira od vrijednosti, najveću vrijednost dioničkog kapitala 31.12.2016. godine ima „Novi Bimeks“ d.d. sa 35.829.000,00 KM ili 30,97%, slijedi „Bimal“ d.d. sa 20.720.730,00 KM ili 17,91% i „Tesla“ d.d. sa 13.663.940,00 KM ili 11,81%.

**Graf 1: Struktura dioničkog kapitala u registru emitenata na dan 31.12.2016. godine**



## 2.2. Emisija vlasničkih papira od vrijednosti

Emisija vlasničkih papira od vrijednosti podrazumijeva provođenje postupka promjena na dioničkom kapitalu, koji počinje sa donošenjem odluke o povećanju, odnosno smanjenju kapitala od strane skupštine dioničkog društva u skladu sa Pravilnikom o uslovima i postupku emisije papira od vrijednosti (Službeni glasnik Brčko distrikta BiH broj: 3/08) i Pravilnikom o izmjenama i dopunama Pravilnika o uslovima i postupku emisije papira od vrijednosti (Službeni glasnik Brčko distrikta BiH broj: 34/08). Komisija kao regulatorno tijelo odobrava emisiju. Uz zahtjev za odobrenje emisije, emitent dostavlja Komisiji odgovarajuću dokumentaciju (odluka, statut, prospekt, ugovor sa bankom depozitarom, procjenu ovlaštenog procjenitelja i izvještaj ovlaštenog revizora). Nakon provedenih procedura u postupku povećanja, odnosno smanjenja kapitala, Komisija donosi rješenje o nastaloj promjeni na kapitalu, kao i za druge korporativne radnje, kao što je osnivanje, spajanje i pripajanje. Nakon provedene procedure, promjene na kapitalu se upisuju u registar emitenata. U proteklom periodu najveći broj emisija papira od vrijednosti su imale karakter zatvorene ponude emisije dionica za poznatog kupca, pri čemu je kupac emitovanih dionica bio isključivo većinski dioničar.

### 2.2.1. Emisija papira od vrijednosti po obimu u periodu 2012.-2016. godina

Emisije papira od vrijednosti u periodu 2012.-2016. godina su prezentirane u sljedećoj tabeli i predstavljaju rezultat dinamike korporativnih radnji u dioničkim društvima. Najveća vrijednost emisija papira od vrijednosti je u 2012. godini, što je posljedica dinamike realizacije investicionih obaveza većinskih vlasnika po osnovu ugovora o kupoprodaji državnog kapitala.

**Tabela 2: Emisija papira od vrijednosti u periodu 2012.-2016. godina**

Red. broj	Godina	Broj emisija	Vrijednost emisije u KM	Indeks	
				It	Vt
1.	2012.	2	7.973.458,00	-	-




2.	2013.	4	6.874.577,80	86,22	86,22
3.	2014.	1	6.357.999,45	79,74	92,49
4.	2015.	2	1.903.300,00	23,87	29,94
5.	2016.	1	103.300,00	1,30	5,43
UKUPNO		10	23.212.635,25	-	-

Izvor podataka: Registar emitenata

U posmatranom periodu Komisija je odobrila 10 emisija papira od vrijednosti u ukupnom iznosu od 23.212.635,25 KM. Prosječna vrijednost po emisiji u periodu od 2012. do 2016. godine, iznosi 2.321.263,50 KM. Najveći obim emisije ostvaren je u 2012. godini u vrijednosti od 7.973.458,00 KM.

U strukturi odobrenih emisija papira od vrijednosti u posmatranom periodu najveće učešće imaju emisije po osnovu povećanja i smanjenja kapitala, odnosno pet emisija u vrijednosti 4.040.540,00 KM ili 17,40%, po osnovu povećanja kapitala i četiri emisije po osnovu smanjenja kapitala radi pokrivanja ostvarenih gubitaka u poslovanju u iznosu od 14.647.025,25 KM ili 63,10%. U posmatranom periodu realizovana je jedna emisija papira od vrijednosti po osnovu pripajanja dioničkih društava u vrijednosti od 4.525.070,00 KM ili 19,50%.

**Graf 2: Emisija papira od vrijednosti po obimu u periodu 2012.-2016. godina**



### 2.2.2. Emisija papira od vrijednosti po vrstama na dan 31.12.2016. godine

Emisije papira od vrijednosti po vrstama obuhvataju emisije papira od vrijednosti po osnovu osnivanja dioničkih društava, emisije u postupku povećanja i smanjenja kapitala i emisije po osnovu spajanja i pripajanja dioničkih društava.

**Tabela 3: Ukupna vrijednosti emisija po vrstama na dan 31.12.2016. godina**


Red. broj	Vrsta emisije	Broj emisija	Vrijednost emisije u KM	%
1.	Emisija po osnovu sukcesivno osnovanih dioničkih društava	25	86.671.190,00	42,70

2.	Emisija po osnovu simultano osnovanih dioničkih društava	3	6.250.000,00	3,08
3.	Emisija po osnovu novih uloga postojećih dioničara sukcesivno osnovanih dioničkih društava	26	74.359.380,00	36,64
4.	Emisija po osnovu novih uloga postojećih dioničara simultano osnovanih dioničkih društava	5	4.701.300,00	2,32
5.	Emisija dionica u postupku smanjenja kapitala	7	26.457.300,45	13,03
6.	Emisija dionica po osnovu spajanja i pripajanja dioničkih društava	1	4.525.070,00	2,23
<b>U K U P N O</b>		<b>67</b>	<b>202.964.240,45</b>	<b>100</b>

Izvor podataka: Registar emitenata

U prethodnoj tabeli je prikazan ukupan broj i vrijednost odobrenih emisija papira od vrijednosti, kojih je bilo 67 u ukupnoj vrijednosti od 202.964.240,45 KM. Najveći broj emisija se odnosi na emisije sukcesivno osnovanih dioničkih društva, u vrijednosti od 86.671.190 KM ili 42,70%. Na emisije po osnovu investiranja u dionička društva odnosi se 74.359.380,00,00 KM ili 36,64% i na emisije po osnovu smanjenja kapitala dioničkih društava 26.457.300,45 ili 13,03%.

**Graf 3: Emisija papira od vrijednosti po vrstama na dan 31.12.2016. godine**



### 3. Sekundarno tržište papira od vrijednosti

#### 3.1. Centralni registar papira od vrijednosti

U skladu sa članom 68. Zakona o papirima od vrijednosti Brčko distrikta BiH, u okviru Komisije za papire od vrijednosti Brčko distrikta BiH osnovan je Centralni registar papira od vrijednosti, sa ciljem da se obezbijedi uvrštavanje papira od vrijednosti emitenata sa područja Brčko distrikta BiH na berzanska tržišta u Bosni i Hercegovini i ostvarivanje prava vlasnika papira od vrijednosti, koja im iz tog vlasništva pripadaju. Centralni registar vrši registraciju kapitala dioničkih društava, odnosno svih papira od vrijednosti, vlasnika papira od vrijednosti, registraciju i prijenos papira od vrijednosti, čuvanje podataka o papirima od vrijednosti i njihovim vlasnicima u elektronskom zapisu na računima emitenata i računima vlasnika papira od vrijednosti.

Poslovi Centralnog registra, u skladu sa zakonom i propisima Komisije za papire od vrijednosti Brčko distrikta BiH su:

- a) registracija papira od vrijednosti i čuvanje podataka o papirima od vrijednosti i njihovim vlasnicima i svim transakcijama u pogledu prijenosa vlasništva ili promjene statusa papira od vrijednosti,
- b) otvaranje i vođenje računa emitenta, otvaranje i vođenje računa vlasnika papira od vrijednosti, izrada izvještaja, izdavanje liste dioničara, izdavanje izvoda i potvrda o stanju i promjenama na računima,
- c) registracija i čuvanje podataka o papirima od vrijednosti, sticanju vlasništva i drugih prava iz papira od vrijednosti,
- d) prijenos papira od vrijednosti na osnovu zakona, akta suda ili drugog nadležnog organa, nasljeđivanja, ugovora o doživotnom izdržavanju i drugih pravnih poslova u skladu sa važećim propisima,
- e) upis i brisanje prava trećih lica na papirima od vrijednosti na osnovu zakona, akta suda ili drugog nadležnog organa i pravnog posla,
- f) upis i brisanje zabrane prava raspolaganja na osnovu zakona, akta suda ili drugog nadležnog organa,
- g) druga pitanja od značaja za registraciju i prijenos papira od vrijednosti kod Centralnog registra.

Ukupna vrijednost registrovanog kapitala u Centralnom registru iznosi 115.706.409,15 KM. Vrijednost upisanih korporativnih radnji u 2016. godini je 103.300,00 KM, po osnovu povećanja kapitala. Vrijednost obveznica po osnovu verifikovanih računa stare devizne štednje, registrovanih u 2016. godini iznosi 482.580,00 KM.

### 3.2. Registracija kapitala, papira od vrijednosti i vlasnika

U Centralnom registru Komisije u elektronskoj formi se vrši registracija, odnosno upis kapitala, registracija dužničkih i vlasničkih papira od vrijednosti, kao i upis svih transakcija po osnovu prijenosa vlasništva, primarnog prometa, berzanskog i vanberzanskog prometa, preuzimanja dioničkih društava, nasljeđivanja i druge promjene na vlasničkim računima i papirima od vrijednosti.

#### *Registracija vlasničkih papira od vrijednosti*

**Tabela 4: Registracija kapitala, papira od vrijednosti i vlasnika**

Red. broj	Naziv emitenta	Vrijednost kapitala KM	Broj dionica	Broj dioničara	Berza
1.	«BIMAL» d.d.	20.720.130,00	2.072.013	1	SASE
2.	«ŽITOPROMET» d.d.	4.151.090,55	1.050.909	340	BLSE
3.	«IBD» d.d.	1.748.000,00	1.748	4	SASE
4.	«BRČKO-GAS OSIGURANJE» d.d.	5.700.000,00	5.700	2	BLSE
5.	«PSC-BABIĆ» d.d.	3.181.830,00	318.183	60	BLSE

6.	«BILJANA» d.d.	560.460,00	56.046	127	SASE
7.	«HIDRA STIL» d.d.	2.955.980,00	295.598	116	SASE
8.	„ZANAT-DESIGN“ d.d.	2.893.370,00	289.337	89	BLSE
9.	„IZGRADNJA“ d.d.	3.790.180,00	379.018	85	BLSE
10.	„GRAFAM“ d.d.	3.586.720,00	358.672	230	BLSE
11.	„TESLA“ d.d.	13.663.940,00	1.366.394	1.710	BLSE
12.	„NOVI BIMEKS“ d.d. u stečaju	35.829.000,00	3.582.900	334	BLSE
13.	„PIROMETAL“ d.d. u stečaju	2.263.450,00	226.345	161	SASE
14.	„LASER“ d.d.	3.958.227,00	879.606	407	SASE
15.	„GALAX NISKOGRADNJA“ d.d.	1.330.860,00	133.086	164	BLSE
16.	„DUKA&BOSNA“ d.d.	3.025.281,60	916.752	1	SASE
17.	„UZOR“ d.d.	1.443.080,00	144.308	299	BLSE
18.	„MB VELMA“ d.d.	1.348.300,00	134.830	327	BLSE
19.	„TEHNOGRAĐA“ d.d.	1.056.510,00	105.651	99	SASE
20.	„OSIGURANJE GARANT“ d.d.	2.500.000,00	25.000	1	BLSE
U K U P N O		115.706.409,15	12.342.096	4.557	-


Izvor podataka: Centralni registar

Prosječna nominalna vrijednost kapitala dioničkih društava na dan 31.12.2016. godine iznosi 5.785.320,46. Najveći broj registrovanih dioničara je u dioničkom društvu „Tesla“, 1.710 ili 30,69%. Prosječan broj dioničara po dioničkom društvu je 228. Prosječna vrijednost kapitala po dioničaru iznosi 25.390,90 KM. Kapital 12 dioničkih društava nominalne vrijednosti 79.418.370,55 KM, uvršten je na Banjalučku berzu (BLSE), a kapital osam dioničkih društava nominalne vrijednosti 36.288.038,60 KM na Sarajevsku berzu (SASE). Prosječna nominalna vrijednost kapitala dioničkih društava uvrštenih na trgovanje na Banjalučkoj berzi iznosi 6.618.197,55 KM, a na Sarajevskoj berzi 4.536.004,83 KM. Ukupan broj dioničara na Banjalučkoj berzi je 3.641, odnosno prosječno po emitentu 303 dioničara, a na Sarajevskoj berzi 916, odnosno prosječno po emitentu 114 dioničara. Prosječna vrijednost kapitala po dioničaru na Banjalučkoj berzi iznosi 21.812,24 KM, a na Sarajevskoj berzi 39.615,76 KM.

### ***Registracija dužničkih papira od vrijednosti***

U izvještajnom periodu registrovana je osma emisija obveznica Brčko distrikta BiH po osnovu verifikovanih računa stare devizne štednje u ukupnom iznosu od 482.580,00 KM za 34 vlasnika obveznica. Osmo emisija obveznica sa kamatnom stopom od 2,50% godišnje emitovana je u jednoj seriji sa rokom dospijeca 30.09.2016. godine.

**Graf 4: Registrovani dionički kapital na dan 31.12.2016. godine**



### 3.2.1. Registracija kapitala i papira od vrijednosti u periodu 2012.-2016. godina

Vrijednost registrovanog kapitala dioničkih društava u periodu 2012.-2016. godina ima tendenciju smanjenja zbog ostvarenih gubitaka u poslovanju i njihovog pokrića na teret kapitala i promjene oblika organizovanja dioničkih društava u društva sa ograničenom odgovornošću. U 2016. godini vrijednost registrovanog kapitala je smanjena u odnosu na 2015. godinu, tako da je registrovani kapital u 2016. godini manji za 25.694.360,00 KM u odnosu na 2015. godinu ili za 22,21%.


**Tabela 5: Registracija kapitala i papira od vrijednosti u periodu 2012.-2016. godina**

Red. broj	Godina	Vrijednost kapitala	Broj dionica	Indeks vrijednost kapitala	
				It	Vt
1.	2012	148.249.376,40	15.140.544	-	-
2.	2013	145.362.068,60	14.896.862	98,05	98,05
3.	2014	141.504.069,15	14.921.862	95,45	97,35
4.	2015	141.400.769,15	14.920.829	95,38	99,93
5.	2016.	115.706.409,15	12.342.096	78,05	81,83

Izvor podataka: Centralni registar

Pokazatelji registracije kapitala i papira od vrijednosti u posmatranom periodu ukazuju da je najveća prosječna nominalna vrijednost dionice u 2012. godini 9,79 KM, a najmanja u 2016. godini 9,37 KM, što predstavlja smanjenje prosječne nominalne vrijednosti dionice od 0,42 KM ili za 1,04%. Smanjenje prosječne nominalne vrijednosti dionice rezultat je najvećim dijelom provedenih korporativnih radnji, vezanih za smanjenje kapitala društava po osnovu pokrića ostvarenih gubitaka u poslovanju i manjim dijelom transformacije, odnosno promjene oblika organizovanja iz dioničkog društva u društvo sa ograničenom odgovornošću.

**Graf 5: Registracija kapitala i papira od vrijednosti u periodu 2012.-2016. godina**



### 3.2.2. Registracija emitenata i vlasnika kapitala u periodu 2012.-2016. godina

Registrovani emitenti i vlasnici kapitala, odnosno dioničari u periodu 2012.-2016. godina odražavaju dinamiku provođenja korporativnih radnji dioničkih društava i dinamiku sukcesivnog i simultanog osnivanja dioničkih društava.


**Tabela 6: Registracija emitenata i vlasnika kapitala u periodu 2012.-2016. godina**

Red. broj	Godina registracije	Broj emitenata	Broj vlasnika	Indeks broj vlasnika	
				It	Vt
1.	2012	26	6.767	-	-
2.	2013	23	6.205	91,69	91,69
3.	2014	24	6.194	91,53	99,82
4.	2015	24	5.623	83,09	90,78
5.	2016	20	4.557	67,34	81,04

Izvor podataka: Centralni registar

U posmatranom periodu broj emitenata se kretao između 26 i 20, a broj vlasnika od 6.767 do 4.557. Najveći broj registrovanih vlasnika papira od vrijednosti bio je u 2012. godini 6.767 vlasnika, a najmanji u 2016. godini 4.557. Prosječan broj dioničkih društava u posmatranom periodu je 23, a prosječan broj dioničara 5.869. Prosječan broj vlasnika po dioničkom društvu bio je najveći u 2013. godini 270, a najmanji u 2016. godini 228. U 2016. godini je zabilježeno najveće smanjenje broja vlasnika papira od vrijednosti u odnosu na bazu 2012. godinu za 2.210 ili za 32,66%. Smanjenje broja vlasnika je posljedica promjene oblika organizovanja iz dioničkog društva u društvo sa ograničenom odgovornošću (Zakon o preduzećima Brčko distrikta BiH- prečišćen tekst, „Sl. glasnik Brčko distrikta BiH“, broj: 49/11), kao i vlasničke koncentracije putem primjene instituta prinudne prodaje (Zakon o preuzimanju dioničarskih društava, „Sl. glasnik Brčko distrikta BiH“, broj: 31/05, 33/12 i 34/12)

**Graf 6: Registracija vlasnika kapitala u periodu 2012.-2016. godina**



### 3.3. Registracija dužničkih papira od vrijednosti

Emisijom obveznica Brčko distrikta BiH za izmirenje obaveza po osnovu verifikovanih računa stare devizne štednje u 2009. godini, počela je registracija dužničkih papira od vrijednosti u Centralnom registru, Komisije za papire od vrijednosti Brčko distrikta BiH. U 2016. godini registrovana je osma emisija obveznica, sa jednom serijom u vrijednosti od 482.580,00 KM. U toku izvještajnog perioda Komisija je izvršila obračun za obveznice druge, treće, četvrte, pete, šeste i sedme emisije obveznica sa rokom dospijeca 31.03.2016. godine i za jednu seriju osme emisije obveznica koja je dospjela na naplatu 30.09.2016. godine. Podaci o izvršenom obračunu dostavljeni su Direkciji za finansije, na osnovu čega su isplaćene obveznice u vrijednosti od 5.284.013,00 KM. Kamata na emitovane obveznice od 2,50% obračunava se i isplaćuje dva puta godišnje 31. marta i 30. septembra, a glavnica jednom godišnje 30. septembra.

**Tabela 7: Osma emisija obveznica koje su uvrštene na Sarajevsku berzu**

Red. broj	Oznaka obveznica	Vrijednost emisije KM	Broj vlasnika	Datum dospijeca
	BDB9KO1	350.579,00	24	30.09.2016.

Izvor podataka: Centralni registar

**Tabela 8: Osma emisija obveznica koje su uvrštene na Banjalučku berzu**

Red. broj	Oznaka obveznica	Vrijednost emisije KM	Broj vlasnika	Datum dospijeca
1.	BDDS-O15	132.001,00	10	30.09.2016.

Izvor podataka: Centralni registar

### 3.3.1. Obračun glavnice i kamate za obveznice

U skladu s članom 14 tačkom 5 Odluke Skupštine Brčko distrikta BiH o emisiji obveznica Brčko distrikta BiH za izmirenje obaveza po osnovu verifikovanih računa stare devizne štednje, izvršen je obračun kamate 31.03.2016. godine za drugu, treću, četvrtu, petu, šestu i sedmu emisiju obveznica Brčko distrikta BiH. Obračun glavnice i kamate za osmu emisiju obveznica Brčko distrikta BiH izvršen je 30.9.2016. godine. Na osnovu izvršenog obračuna, isplaćena je glavnica i kamata svim vlasnicima obveznica Brčko distrikta BiH za drugu, treću, četvrtu, petu, šestu, sedmu i osmu emisiju obveznica u vrijednosti od 5.350.063,29 KM. Obračun glavnice i kamate izvršen 31.03.2016. godine za obveznice na Sarajevskoj berzi iznosi 2.828.044,15 KM, a za obveznice na Banjalučkoj berzi 2.033.406,85 KM.

**Tabela 9: Obračun glavnice i kamate 31.03.2016. godine**

Red. broj	Berza	Glavnica	Obračunata kamata	Ukupno za isplatu
1.	SASE	2.793.130,00	34.914,15	2.828.044,15
2.	BLSE	2.008.303,00	25.103,85	2.033.406,85
	UKUPNO	4.801.433,00	60.018,00	4.861.451,00

Izvor podataka: Centralni registar

**Tabela 10: Obračun glavnice i kamate 30.09.2016. godine za osmu emisiju obveznica**

Red. broj	Berza	Glavnica	Kamata	Ukupno za isplatu
1.	SASE	350.579,00	4.382,27	354.961,27
2.	BLSE	132.001,00	1.650,02	133.651,02
	UKUPNO	482.580,00	6.032,29	488.612,29

Izvor podataka: Centralni registar

Ukupno obračunata glavnica u 2016. godini iznosi 5.284.013,00 KM, a ukupno obračunata kamata 66.050,29 KM.

**Tabela 11: Ukupno obračunata glavnica i kamata po emisijama u 2016. godini**


Red. broj	Emisija	Glavnica	Kamata	Ukupno za isplatu
1.	Druga emisija obveznica	1.400.808,00	17.510,10	1.418.318,10
2.	Treća emisija obveznica	1.867.692,00	23.346,18	1.891.038,18
3.	Četvrta emisija obveznica	646.901,00	8.086,29	654.987,20
4.	Peta emisija obveznica	405.947,00	5.074,36	411.021,36
5.	Šesta emisija obveznica	163.797,00	2.047,46	165.844,46
6.	Sedma emisija obveznica	316.288,00	3.953,61	320.241,61
7.	Osma emisija obveznica	482.580,00	6.032,29	488.612,29
	UKUPNO	5.284.013,00	66.050,29	5.350.063,29

Izvor podataka: Centralni registar



U izvještajnom periodu je isplaćena glavnica i kamata za obveznice Brčko distrikta BiH po osnovu stare devizne štednje, u vrijednosti od 5.350.063,29 KM. Najveća vrijednost isplaćenih obveznica se odnosi na treću emisiju obveznica registrovanu u 2011. godini i iznosi 1.891.038,18 KM. Od ukupno emitovanih obveznica Brčko distrikta BiH po osnovu izmirenja obaveza stare devizne štednje u vrijednosti od 62.074.470,00 KM, isplaćena vrijednost glavnice za obveznice u 2016. godini od 5.284.013,00 KM predstavlja 8,51%. Do 31.12.2016. godine isplaćene su obveznice svih osam emisija, u vrijednosti od 62.074.470,00 KM sa pripadajućom kamatom od 2,5%.

**Graf 7: Ukupno obračunata glavnica i kamata po emisijama u 2016. godini**



### 3.4. Promet i prijenos papira od vrijednosti

Ukupna vrijednost prometa i prijenosa papira od vrijednosti u 2016. godini iznosi 1.487.541,00 KM, što u odnosu na prethodnu 2015. godinu predstavlja smanjenje od 4.136.711,00 KM. U strukturi ukupno ostvarenog prijenosa najveći dio se odnosi na preuzimanje dioničkih društava u vrijednosti od 813.470,00 KM ili 54,68%, što predstavlja povećanje za 752.163,00 KM u odnosu na 2015. godinu.

Ostvareni promet u posmatranom periodu je posljedica vlasničke strukture u dioničkim društvima, koja se pomjerila u korist većinskog paketa dionica, odnosno većinskog vlasnika, što je dovelo do smanjenja učešća malih dioničara u ukupnom kapitalu dioničkih društava. Na taj način je smanjena i ponuda vlasničkih papira od vrijednosti, jer dionice većinskog paketa praktično, u najvećem broju slučajeva, nisu predmet ponude. Ovako visok stepen koncentracije vlasništva i loši rezultati poslovanja dioničkih društava za posljedicu imaju pad sekundarnog prometa, malu mobilnost kapitala i veoma nizak stepen likvidnosti dionica.

Najveći obim prometa i prijenosa u periodu 2012.-2016. godina je ostvaren u 2013. godini u vrijednosti od 8.329.900,00 KM, dok je u narednim godinama iskazan trend pada prometa i prijenosa u odnosu na baznu 2012. godinu.

**Tabela 12: Promet i prijenos papira od vrijednosti u periodu 2012.-2016 godina**


Red. broj	Vrsta prometa	2012.	2013.	2014.	2015.	2016.
1.	Promet dionica	320.623,00	31.372,00	14.487,00	3.368.076,00	69.763,00
2.	Vanberzanski promet	0	9.726,00	3.439,00	1.332,00	0

3.	Promet obveznica	0	37.088,00	0	0	0
4.	Promet, emisija dionica i obveznica	5.872.294,00	7.760.827,00	1.637.984,00	1.954.285,00	585.880,00
5.	Preuzimanje dioničkih društava	0	192.103,00	0	61.307,00	813.470,00
6.	Nasljeđivanje i prijenos po odluci suda	295.694,00	298.784,00	2.304.532,00	237.237,00	16.412,00
U K U P N O		6.488.611,00	8.329.900,00	3.962.456,00	5.624.252,00	1.487.541,00


Izvor podataka: SASE, BLSE i Centralni registar

Tržišna cijena dionica emitentata iz Brčko distrikta BiH uvrštenih na sekundarno trgovanje se kretala u rasponu od 3,00 KM po dionici emitenta „Uzor“ d.d. ili 30% od nominalne vrijednosti dionice, do 10,00 KM po dionici emitenta “Bimal“ d.d., ili 100% nominalne vrijednosti dionice.

**Graf 8: Prijenos papira od vrijednosti po segmentima u periodu 2012.-2016. godina**



**Graf 9: Promet i prijenos papira od vrijednosti u periodu 2012.-2016. godina**



#### 4. Nadzor

Komisija je u izvještajnom periodu, u skladu s Pravilnikom o vršenju nadzora emisije, prometa i učesnika u emisiji i prometu papira od vrijednosti („Sl. glasnik Brčko distrikta BiH“ broj 9/06) izvršila kontrolu dostavljenih akata od strane emitenata u vezi sa emisijom papira od vrijednosti, prometom i učesnicima u prometu papira od vrijednosti, kao i kontrolu obavještavanja vlasnika papira od vrijednosti i javnosti. Redovan nadzor prometa papira od vrijednosti dioničkih društava registrovanih u Brčko distriktu BiH, Komisija vrši shodno članu 9. Pravilnika, a vanredan kada postoje osnove sumnji koje upućuju na moguće kršenje zakona i propisa Komisije. Komisija obavlja redovan nadzor ostvarenog prometa dionica na berzanskim tržištima Sarajevske i Banjalučke berze (SASE i BLSE). Komisija je izvršila nadzor osme emisije obveznica Brčko distrikta BiH, emitovanih za izmirenje obaveza po osnovu stare devizne štednje i nadzor u postupku povećanja kapitala emisijom novih dionica emitenta "Osiguranje Garant " d.d.

Pravilnikom o sadržaju, načinu i standardima objavljivanja finansijskih izvještaja i drugih informacija o poslovanju dioničkih društava (Službeni glasnik Brčko distrikta BiH broj: 19/05), regulisana je kontrola načina, roka i potpunosti obavještavanja od strane vlasnika ili sticatelja papira od vrijednosti i objavljivanje svih drugih događaja koji bitno utiču na finansijsko poslovanje dioničkih društava.

Tokom 2016. godine izvršeno je preuzimanje dioničkog društva „Duka&Bosna“ i dioničkog društva „Bimal“. Komisija je izvršila nadzor postupka preuzimanja „Duka&Bosna“ d.d od strane „Bingo“ d.o.o. Tuzla sa prinudnim otkupom, u kojem je preuzeto 53.279 dionica po cijeni od 4,25 KM/dionici, u ukupnoj vrijednosti od 226.435,75 KM i postupak preuzimanja „Bimal“ d.d. od strane „Seed Oil Holdings“ GmbH i lica koje sa njim zajednički djeluje „Studen & CO Holding“ GmbH, u kojem je preuzeto 869 dionica po cijeni od 8,35 KM/dionici i 65.364 dionice po cijeni od 8,87 KM/dionici, što ukupno iznosi 587.034,83 KM.

Komisija je u 2016. godini izvršila kontrolu dostavljenih godišnjih i polugodišnjih izvještaja o finansijskom poslovanju dioničkih društava. Dioničkim društvima koja nisu dostavila finansijske izvještaje, Komisija je uputila urgenciju za dostavljanje finansijskih izvještaja. Na web stranici Komisije i web stranicama berzi su objavljeni svi dostavljeni godišnji i polugodišnji finansijski izvještaji dioničkih društava.

#### Finansijski izvještaj

##### *Pregled utrošenih sredstava*

Finansiranje Komisije za papire od vrijednosti Brčko distrikta BiH vrši se iz budžeta Brčko distrikta BiH (Član 64. Zakona o papirima od vrijednosti Brčko distrikta BiH, Službeni glasnik Brčko distrikta BiH broj: 15/03). Utrošena finansijska sredstva za rad Komisije u 2016. godini i uporedni pregled sa planom i utrošenim sredstvima u 2015. godini, prikazana su u sljedećoj tabeli:

**Tabela broj 13: Pregled realizacije budžetskih sredstava**

Ek. kod	Naziv	Ostvareno	Planirano	Ostvareno	Indeks	Indeks
		u 2015. god.	u 2016. god.	u 2016. god.	(5 : 3)	(5 : 4)
1	2	3	4	5	6	7
611100	Bruto plate i naknade	179.719,00	194.667,22	194.174,08	108,04	99,75

611200	Naknade troškova zaposlenih i skup.zastup.	0	31.556,00	0	0	0
612100	Doprinosi poslodavca	6.321,00	7.510,69	7.478,90	118,32	99,52
613100	Putni troškovi	945,00	3.030,00	1.700,10	179,90	56,11
613200	Izdaci za el. energiju	7.565,00	7.750,00	7.873,10	104,07	101,59
613300	Izdaci za komunalne usluge	7.156,00	8.480,00	7.512,19	104,98	88,59
613400	Nabavka materijala i sitnog inventara	874,00	1.110,00	695,68	79,60	62,67
613500	Izdaci za usluge prijevoza i goriva	391,00	650,00	408,88	104,57	62,90
613700	Izdaci za tekuće održavanje	1.099,00	2.400,00	1.761,38	160,27	73,39
613800	Izdaci osiguranja i bankarskih usluga	599,00	510,00	472,23	78,84	92,59
613900	Ugovorene usluge	40.100,00	41.595,00	37.265,85	92,93	89,75
<b>U K U P N O</b>		<b>244.772,00</b>	<b>299.262,91</b>	<b>259.347,39</b>	<b>105,95</b>	<b>86,66</b>

Planirani rashodi za 2016. godinu u vrijednosti od 299.262,91 KM, ostvareni su u iznosu od 259.347,39 KM ili 86,66%, a u odnosu na prethodnu godinu su ostvareni sa 105,95%.

Ukupni rashodi za nabavke i usluge su ostvareni u skladu sa dinamikom operativnog plana rada. U strukturi ukupno utrošenih sredstava za nabavke i usluge, najveće učešće imaju ostvareni rashodi po osnovu ugovorenih usluga u iznosu od 37.265,85 KM, koji se najvećim dijelom odnose na održavanje sistema registracije papira od vrijednosti.

#### ***Popis stalnih sredstava i sitnog inventara***

U toku izvještajnog perioda Komisija je u skladu sa Pravilnikom o evidenciji stalnih sredstava, sitnog inventara i materijala, broj: 02-04.1-644/11 od 25.09.2012. godine, izvršila popis stalnih sredstava i sitnog inventara. Stanje stalnih sredstava u organizacionoj jedinici 26010001, Komisije za papire od vrijednosti, na dan 31.12.2016. godine, prikazano je u sljedećoj tabeli:

**Tabela broj 14: Pregled popisa stalnih sredstava i sitnog inventara**

Red. broj	Predmet popisa	Nabavna vrijednost	Otpisana vrijednost	Sadašnja vrijednost
1.	Stalna sredstva	81.896,00	80.816,96	1.079,14
2.	Sitan inventar	8.184,10	276,00	7.907,50

Izvor podataka: Komisija za papire od vrijednosti i Direkcija za finansije

*Izveštaj o radu Komisije za 2016. godinu je razmatran i usvojen na 139 sjednici Komisije za papire od vrijednosti Brčko distrikta BiH, održanoj 15.02.2017. godine.*

Broj: 05-15.01-44/17

Datum: 15. 02. 2017. godine

*Predsjednik*

*Mirsad Bešliagić, MA*